



Sarajevo, 7.12.2023. godine
MEDIJIMA

SAOPĆENJE ZA MEDIJE

Održan sedmi sastanak Pododbora za pravdu, slobodu i sigurnost između EU i BiH

Sedmi sastanak Pododbora za pravdu, slobodu i sigurnost između Evropske unije i Bosne i Hercegovine, kojim su kopredsjedavali Samir Rizvo iz Ministarstva sigurnosti BiH i Mary Teresa Moran iz Opće uprave za proširenje i politiku susjedstva Evropske komisije, održan je 6. i 7. decembra 2023. godine.

Članovi dvije delegacije su razmijenili informacije o provođenju izmjena i dopuna Zakona o Visokom sudskom i tužilačkom vijeću BiH, izradi i usvajanju novog Zakona o VSTV-u, s akcentom na provjeru imovinskih kartona i poboljšanje integriteta imenovanja i napredovanja nosilaca pravosudnih funkcija, te o novom Zakonu o sudovima BiH. Komisija je preporučila usvajanje Strategije za reformu sektora pravde i Strategije tranzicijske pravde u BiH, efikasno provođenje Revidirane državne strategije za rad na predmetima ratnih zločina i uvođenje presuda MKSJ-a i njegovih pravnih nasljednika u domaće krivične evidencije.

Predstavnici Evropske komisije su istakli važnost slobode izražavanja i medija, zaštite novinara i medijskih radnika, kao i finansijske održivosti i političke nezavisnosti javnog RTV sistema. Pozdravljeno je usvajanje Zakona o slobodi pristupa informacijama BiH, koji je potrebno dodatno usaglasiti sa preporukama Evropske komisije i unaprijediti zakonodavni okvir na entitetskom nivou, te usvojiti zakone kojim se reguliše govor mržnje. Od vlasti u BiH se, također, očekuje da ujednače zakonodavstvo o slobodi okupljanja u cijeloj državi u skladu s preporukama Evropske komisije, a od vlasti u Republici Srpskoj je zatraženo povlačenje iz procedure Nacrta zakona o posebnom registru i javnosti rada neprofitnih organizacija.

Na sastanku se razgovaralo i o prevenciji rodno zasnovanog nasilja i zaštiti žrtava, boljoj zaštiti i uključenosti ranjivih grupa, posebno osoba s invaliditetom, djece, LGBTI osoba, pripadnika romske zajednice, zatvorenika, migranata i tražitelja azila, kao i raseljenih osoba i izbjeglica.

Među prioritetima koje vlasti u BiH trebaju ispuniti su usvajanje nove Državne strategije o prevenciji i borbi protiv korupcije, usvajanje novog Zakona o sprečavanju pranja novca i finansiranja terorizma, Zakona o sprečavanju sukoba interesa na državnom nivou i registra stvarnih vlasnika, uspostava efikasnog mehanizma provjere tačnosti imovinskih izjava javnih dužnosnika, Zakona o finansiranju političkih stranaka, kao i zakonskog okvira za zaštitu zviždača na svim nivoima vlasti. Pozitivno je ocijenjena pravosudna i saradnja u krivičnim stvarima između institucija BiH i EU.

Članovi delegacije BiH su informisali Evropsku komisiju o kapacitetima za borbu protiv kibernetičkog kriminala i aktivnostima koje su provedene u borbi protiv terorizma i sprečavanja nasilnog ekstremizma.

Evropska komisija je pohvalila rad Službe za poslove sa strancima i aktivnosti koje su provedene na sprečavanju krijumčarenja migranata. Istaknuta je nužnost efikasnije koordinacije na svim nivoima za upravljanje granicom i migracijama, bolje funkcionisanje sistema azila, kao i usklađivanje sa viznom politikom EU i otvaranje pregovora o Sporazumu o statusu za raspoređivanje stalnog korpusa FRONTEX-a.

Vlasti u BiH su pozvane da nacрте svih zakona i strategija podijele s Evropskom komisijom radi usaglašavanja sa pravnom stečevinom EU i evropskim standardima.

Direkcija za evropske integracije